

中華民國政府公報分類彙編目錄

●修史

大總統令(准設清史館)

大總統令(公布國史館官制)

清史館館長趙爾巽呈報開館日期文並批令

國務總理熊希齡各部總長等呈國務會議議決特設清史館延聘專

員分任編纂文並批

清史館呈遵批定期開辦請將原呈額支散支數目列入預算按月撥

發文並批令

清史館呈擬設名譽職員文並批令

清史館咨各省巡按使請轉飭各道縣知事查明境內通儒碩彥從前

著作開具書目清冊限期彙送到館以憑採擇登錄文

修史目錄

三

清史館咨各省巡按使印布徵書章程文(附章程樣式)

五


署浙江巡按使屈映光呈報遵派專員辦理清史館徵書事宜文並批

令

七

國史館館長王闓運呈擬聘用顧問官請鑒核文並批令

八



中華民國政府公報分類彙編

● 修史

▲大總統令(准設清史館)

據國務院呈稱擬設清史館經國務會議議決請鑒核施行等語查往代述作咸著史篇蓋將以識興革之所由資法鑑於來葉意至善也維大清開國以來文物典章燦然具備遠則開疆拓土有關歷史之光榮近則革故鼎新尤繫貞元之絕續迨共和宣布讓德昭垂我中華民國特頒優待條文允彰崇德報功之典特是紀載尙闕觀感無資及茲文獻未湮徵求宜亟應即准如所請設置清史館延聘通儒分任編纂躡二十四史沿襲之舊例成二百餘年傳信之專書用以昭示來茲導揚盛美本大總統有厚望焉此令中華民國三年三月九日國務總理外交總長孫寶琦內務總長交通總長朱啓鈐財政總長陸軍總長周自齊海軍總長劉冠雄司法總長章宗祥教育總長蔡儒楷農商總長張謇

▲大總統令(公布國史館官制)元年十月二十八日公布

第一條 國史館掌纂輯民國史歷代通史并儲藏關於史之一切材料

第二條 國史館置職員如左

- | | |
|----|----|
| 館長 | 特任 |
| 秘書 | 薦任 |
| 纂修 | 薦任 |
| 協修 | 薦任 |

修史

主事

委任

第三條 館長一人掌全館事務直隸於大總統

第四條 祕書一人承館長之命掌理文書事務

第五條 纂修四人協修八人分任編輯事宜

第六條 主事二人承館長之命掌會計及庶務

第七條 國史館薦任官由館長呈請大總統任命委任官館長專行之

第八條 國史館爲繕寫文件及其他庶務得酌用雇員

第九條 本制自公布日施行

▲清史館館長趙爾巽呈報開館日期文並批令

爲呈報清史館開館日期事竊查清史館籌辦處成立已將兩月全館組織及年度預算迭經呈奉 大總統鑒核在案所有擬聘之總纂纂修協修各員並各項名譽職員自經呈請鑒定後當將聘書分別致送現計陸續應聘到館者人數已逾大半自應將清史館正式成立以便延接到館隨時徵集意見商榷體裁查歷代修史之法各有不同或先爲長編巨帙以供取材或預分類目專門再行真集織錦雖資乎衆杼而理絲端賴乎一綱且大清一朝兵刑食貨外交交通等事均視前代大有變更不能盡沿前史之例凡茲辦法俱待講求擬一面先請到館人員斟酌古今草定修史例略以待羣賢畢集即行開會討論決定進行一面將應需考證書籍廣爲延訪搜羅以供應用茲定於九月一日爲開館之期清史館籌辦處即於是日撤銷所有開館日期理合呈報 大總統鈞鑒謹呈

批令據呈已悉此批中華民國三年八月三十一日國務卿徐世昌

▲國務總理熊希齡各部總長等呈國務會議議決特設清史館延聘專員分任

進行之至意竊惟清史纂修本屬舉謀開辦則因端求委按事功則由簡入繁前呈清摺僅屬概括之規定近日督同籌辦各員詳細審度覺其中員薪雜費各數尙應斟酌損益用便推行惟查與現定審計辦法稍有不合在寬定預算者固可取之有餘而本館則殊無餘地若實用實銷必遭駁覆倘斤斤求合必須改造假帳開之本心殊難從俗此館創設無案可援一切本難確定總須略示變通可否准其於現時定額之內自行通融辦理但不超越原數而止庶爲實事求是之道至前項額支乃係經常之費臨時一項前呈漏未開列昨者業經聲明本年爲日無多樽節開支或無須額外寬籌惟約計將來徵輯既繁繕錄日亟添員增費自在意中屆時再爲籌核一併將臨時之費呈請追加總以事能克舉款不虛糜爲主現籌辦將次就緒擬於九月內開館應請飭下財政部照原呈經費數目列入本年預算自九月分起按月撥發俾得進行是否有當理合具文呈請 大總統鑒核訓示施行謹呈

批令准其如數列入預算由財政部按月撥發除如所擬辦理交財政部查照此批中華民國三年八月一日國務卿徐世昌

▲清史館呈擬設名譽職員文並批令

爲陳明清史館擬設名譽職員仰祈鈞鑒事竊維修史爲一代大事自當與一代人才共之願經費有常而人才無盡既不能胥天下賢明之士盡隴滿館之類亦不能因經費支絀之由致召遺賢之誚查本館按照額定月支之款以極薄之薪俸支配之連同辦事人員所用勢難過多而實在膺總分纂之任者尤嫌其少以浩如煙海之事業僅寥若晨星之人數充之振望前途不禁卻步因思近頃以來各省之所保薦 大總統之所發交以及爾巽知交之所汲引其人類皆一代名流聲聞遠播自有名山之業決非謀食者流若以無可報酬遂爲閑置非所以廣搜羅而昭慎重也自來非常奇士廉介性成語及束脩反激成其高蹈曷以義務或適如其素心再四思維特創新例擬就本館額定有給職員以外另設名譽職員不拘額數分爲名譽總纂名譽纂修

編纂文並批

爲呈請事在昔邱明受經伯樂司籍春秋而降凡新陳之遞嬗每紀錄而成編是以武德開基顏師古聿修隋史元祐繼統歐陽修乃撰唐書蓋時有盛衰制多興革不有鴻篇鉅製將奚以窺前代典章之盛備後人考鏡之資况大清開國以來文物粲然治具咸飭遠則金川請吏青海論兵拓土開疆歷史之光華猶在近則重譯通商詔書變政鼎新革故貞元之絕續攸關洎乎末葉孝定景皇后尤能洞翻世運俯察輿情宣布共和與民更始用能成法美文明之治洵足追唐虞揖讓之風我中華民國追維讓德於大清皇室特頒優待條文崇德報功無微不至惟是先朝紀載尙付闕如後世追思無從觀感及茲典籍具在文獻未湮允宜廣召耆儒宏開史館萃一代人文之美爲千秋信史之徵茲經國務會議議決應請特設清史館由 大總統延聘專員分任編纂總期元豐史院肇啓宏規貞觀遺風備登實錄以與往代二十四史同昭垂於無窮所有議決擬設清史館緣由理合呈請鑒核批示施行謹呈

批據呈已悉所請特設清史館延聘專員分任編纂事屬可行應准照辦此批中華民國三年二月三日國務總理財政總長熊希齡外交總長孫寶琦內務總長朱啓鈴陸軍總長交通總長周自齊海軍總長劉冠雄司法總長梁啓超教育總長汪大燮農商總長張謇

▲清史館呈遵批定期開辦請將原呈額支散支數目列入預算按月撥發文並批令

爲遵批定期開辦請將原呈額支數目列入預算按月撥發呈祈鈞鑒事查本館日前呈請從緩開辦奉批 爲憑如有關連作亟待進行且係臨時設置機關迥非國史館常設機關情形可比將欲博徵文獻用樹宏 觀財經費必須寬籌開辦尤難從緩應由財政部迅速籌撥的款俾足敷該館之用至館務繁要端在得人該 館承辦學問才正資學畫務望悉心籌辦以期早底於成有厚望焉此批等因具見 大總統綜核名實策勵

名譽協修三種由本館以禮延聘不支薪津遇有應諮商及就正事件或修函以請或遣使而前其有願任某種纂輯者由本館檢集案卷文書費送前往應需考證書籍由館預備但憑一介之往來無異同堂而共事庶幾網羅普備奇才不至向隅磨澀爭先成書或可計日所有請設名譽職員緣由理合具呈伏乞 大總統鈞鑒謹呈

批令准如所擬辦理此批中華民國三年八月一日國務卿徐世昌

▲清史館咨各省巡按使請轉飭各道縣知事查明境內通儒碩彥從前著作開具書目清冊限期彙送到館以憑採擇登錄文

為咨明事本館現修藝文志公議決定沿元明前史之例斷代為書惟是有清定鼎二百六十年名儒輩出著作等身亟應廣為搜採以資登錄而免漏除通告外相應咨請貴巡按使轉飭各道縣知事查明境內通儒碩彥從前著作無論已刊未刊開具書目清冊並將著書人姓名籍貫履歷各具小傳務於三個月內彙送到館以憑採擇登錄實認公誼即希查照施行此咨清史館館長趙爾巽中華民國三年十月

▲清史館咨各省巡按使印布徵書章程文(附章程樣式)

為咨送事案照本館於九月二十六日呈請 大總統特頒徵書命令以備清史資料於二十九日奉明發告今據清史館呈請特頒徵書命令以備清史資料等語有清一代文獻稱盛或記聞搜軼野史有亭或問俗攷言輶軒有錄凡茲私家著述散之則片玉零縑之偶現萃之皆石屋金匱之遺聞當茲文館宏開官書待登必當搜珍藝海采幹詞林藏古之家積學之士當必聞風興起樂獻成著各省巡按使派定專員除四庫全書外凡屬關於有清掌故及有關清史書籍無論已刊未刊就近徵集隨時送交該館以備審擇如有關清史重要足供採用之書其著書之人無論存歿並由該館呈請表彰用昭激勸布告遐邇咸使聞知此令等因已刊登政府公報並由本館咨照貴巡按使在案茲由本館擬定徵書章程咨送請頒貴巡按使照式代為廣

登官報並刷印多份分佈全省一體周知其刷印紙張之費請爲暫墊將來歸併運送書籍費用項下一併清還爲此咨請貴巡按使請煩查照辦理施行此咨清史館館長趙爾巽中華民國二年十月十七日

清史館徵書章程

一本館徵書宗旨專徵求關於清史材料書籍不必盡屬珍異之本各省承辦人員儘請寬予蒐集以免闕遺
一送書以有關清史材料爲限各省送書之人應照後開表式填明隨書附送所在長官轉爲送省請各省巡按使代爲彙齊陸續送館並請所在官署於收書之時代出印收以爲憑信

一書籍到館後即由本館出具收據寄交代出印收之官署以便將印收分別換還並知照其本省巡按使查照

一送到各省書度存館中由館妥爲保存俟清史纂修完竣仍由本館仿照四庫全書徵書例蓋印送還各本省之巡按使署轉發所在長官給還原送書之人掣回本館收據彙還本館屆時仍當先期登報如願直接持據向本館領回者須於送書之時預行聲明以便照辦

家藏祕籍不能久存館中者先由送書人自行限定還書日期本館即依限送還但其期限除去途中來回時日至少須在三箇月之外

一藏書之人有不便送出者可先將該書要指簡明開列送交本館如查與清史確有關係之書或由本館託其代鈔給予酬費或由本館派員就其家鈔寫一切費用概由本館自備

一送書之人情願直接送館者可由郵局保險本館收據亦由郵寄或託妥人間接送館者收據即交原人至郵費運費本館並可擔任

一藏有私史野乘如史稿學案之類欲將該書出售者可先將原書借出一二卷並確實價值一併開單送館由本館於十五日內核定答覆購買如不買者寄還原書不照上開辦法辦理者不答覆

一如有熱心公益願以私藏書冊捐贈本館者俟史竣後當由本館將各書彙送中央博物院
圖書館永遠保存並將捐贈人姓名標於本書之首並登政府公報以彰其美

一凡捐送書籍無論數種數十種至數百種但其書多係合用之書當由本館分別酌予褒揚並擇尤呈請酌
給獎勵

附則

一各省巡按使署代本館辦理徵書事件極為繁曠擬請各巡按使就本署幕僚中薦舉一二賢員由本館禮
聘為名譽徵訪員專辦徵書并徵訪事宜

(注意) 送書表式列入附冊內

▲署浙江巡按使屈映光呈報遴派專員辦理清史館徵書事宜文並批令

為呈報遴派專員辦理清史館徵書事宜仰祈鈞鑒事竊本年九月二十八日奉 大總統令據清史館呈
請特頒徵書命令以備清史資料等語有清一代文獻稱盛或記聞搜羅野史有亭或問俗考言輶軒有錄凡
茲私家著述散之則片玉零縑之偶現萃之皆石室金匱之遺聞當茲文館弘開官書待養必將搜珍藝海采
幹詞林藏古之家積學之士當必開風興起樂觀厥成著各省巡按使派定專員除四庫全書著錄外凡屬關
於清史之書有關於清史書籍無論已刊未刊就近徵集隨時送交該館以備審擇如有關於清史重要足供採
用之書有藏書之人無論存沒並由該館呈請表彰用昭激勸布告遐邇咸使聞知此令等因奉此仰見 大
總統鑒核在案竊查清史之至意欽佩莫名遠即遴派本署秘書前清翰林院編修陸懋勳為浙省辦理清史
館徵書專員並在本署內附設徵書處於省教育費項下移撥銀二千元藉資進行除咨報清史
館外謹將該專員辦理清史館徵書事宜各緣由理合備文具呈謹乞 大總統鈞鑒謹呈

浙江巡按使館查照批中華民國三年十一月十九日國務卿徐世昌

史館館長王闓運呈擬聘用顧問官請鑒核文並批令

凡顧問贊襄館務開單仰祈鑒核事竊參議院議決國史館職務一修民國國史一修歷代通史查史紀今則徵信最難述古則折衷爲要然非博訪則信何由徵不集思則衷何以折自闓運入京就職以校深以衰老不克勝任亟欲援引舊知以資贊助但議院所定官制止於薦任年齒較尊者位置殊難優異業若官守者兼攝又非所宜今擬於纂協修之外增設名譽顧問及顧問等名目酌聘賢員共襄鉅舉不兼差者則優給俸薪有他職者則但支輿馬凡有疑信之相參傳聞之不一統由該員等隨時獻替由闓運與纂協修等公同審議不徇好惡之私必求是非之當既符合議之制允增國乘之光仍於館務前途不無裨益所有擬聘用顧問各員緣由理合具呈繕具清單謹乞 大總統訓示施行謹呈

批令應卽照准單存此批中華民國三年七月六日國務卿徐世昌

